



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De nube, quae in Saxonia cadens multos submersit, cap. 41.

urn:nbn:de:hbz:466:1-13177

Retulit mihi quædam femina religiosa hoc anno; quòd modico tempore ante crucis prædicationem; in villa quæ Hellendorp dicitur, non multum distans à Colonia, post solis occasum, duas cruces viderit in aère, vnam maiorem, & alteram minorem, quæ paulatim ab occidente mouebantur ad orientem. Volens tanti miraculi habere testes, quosdã aduocauit, qui & ipsi viderunt. Similes visiones meminisse me dixisse superius in distinct. 8. cap. 17. necnon 18. primò de duobus Conuersis, qui Dominum viderunt in aère pendetem in cruce: deinde de Rudolpho Conuerso de Lucka, qui Christum vidit crucifixum in aère, & quindecim cum eo. Audi adhuc miraculum de aère, factum terribile valde.

* Anno
1222. vt
habetur.
frac. 48.
G 50.

* al. Is.
lene.

Hoc * anno in Saxonia, nubes integra de aère cadens, inter duo montana, multis tam in corporibus, quam in rebus, fuit damnosa. Tantis enim aquis abundabat, vt monasterium in valle proxima situm, peruaderet, & omnem in eo animam viuentem, ab homine vsque ad pecus extingueret: officinas euertit, suppellectilem deuexit, sepes destruxit: quinque tantum monachi, in turrim fugientes, ex omnibus saluati sunt. Vocatur autem idem monasterium Winendenburg, & est de ordine nigrorum. Deinde idem torrens, intolerabili impetu suo ciuitatem vicinam inuadens, cuius vocabulum est * Islere, similia ibi operatus est mala; omnesq; ecclesias, nec nõ & omnia ciuitatis habitacula, violenter intrauit, homines atq; iumenta submersit. Et quia Deo nõ est cura de bobus, sed de hominibus, magnum atque memoria dignum in suffocatis ostendere dignatus est miraculum. Nam omnes illi qui transacto diluuiò in ecclesiis siue domibus reperti sunt, niueo candore nitebãt; qui autem in theatris, siue in tabernis, extincti erant, carbonibus nigriores apparuerunt: tali enim caractere Deus bonos distinguebat à malis. **A POLLONIVS:** Sicut in hac plaga considero, non casu, sed Dei iusto iudicio flagel-

flagellamur. CÆSARIVS: Hoc pleniùs notare poteris in diluuiò Frisix, in quo amplius quam centum milia hominum simul extincta sunt, ac deinde anno tertio circa quadraginta milia. Tempus & causam eiusdem plagæ satis expressi in distinctione septima, capite tertio. APOLLONIVS: Videntur mihi diluuià hæc particularia celerem iudicis aduentum prænuñciare. CÆSARIVS: Verum est, quia eodem tempore impletum pro parte est, quod ipse præmisit, dicens: Erít in terris pressura gentium præ cõfusione, sonitus maris & fluctuum, arescentibus hominibus præ timore. Nam sicut mihi retulit Abbas sancti Bernardi, timor tantus erat in Frisia, vt singuli singulis momentis mortem suam expeclarent, & quasi arescerent præ expectatione. In qua tanta facta est pressura populorum, vt multi Frisonum prouincias peterent alienas. APOLLONIVS: Ego ista tunc temporis intellexi. CÆSARIVS: Ex quo loqui cœpi de aquis, ostendere tibi volo, quãta Deus miracula, etiam nostris temporibus operatus est in illis.

Luc. 21

CAPVT XLII.

Godefridus magister nouitiorum nostrorum, ante conuersionem parociam quandam regebat: hic cum die quadã puerum baptizaret, de cuius latere pendebat caro miri horroris, mox vt infantem in nomine sancte Trinitatis tribus vicibus immersum extraxit, monstrosum illud apostema nusquam cõparuit: quo viso, hi qui aderant glorificauerunt Deũ, baptisimi virtutem vbique prædicantes.

*In Aquã
& primò
de Baptis
mi virtute
& circa cor-
poris san-
natione.*

CAPVT XLIII.

Qvando peccatis nostris exigẽtibus, in obsidione Damatiæ Christianus exercitus ex parte datus est in manus Saracenorum, Episcopus Beluacensis ductus est in Babylonem captiuus, & cum eo multi: cumque satis humanè à Soldano tractarentur, femina quædam pagana, ciuis Babylonica, filium sic habebat infirmum, vt nulla spes vitæ esset in illo. Nocte quadam ostensum est ei in somnis, vt si prædictus Episcopus illum baptizaret, mox omnem corporis

R r 2

Iospi,